



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1063. Usque Ad Annum 1100

Fleury, Claude

August. Vind. [u.a.], 1761

VD18 90117964

§. 54. Concilium Rotomagense.

[urn:nbn:de:hbz:466:1-66363](https://nbn-resolving.org/urn:nbn:de:hbz:466:1-66363)

ipso rogatum eam edidisse, sed solum ad se delatum fuisse, quod Clerici auxilio potestatis Sæcularis freti monachos ex Ecclesia S. Salvatoris Cantuariæ ejicere, Clericos introducere, & præterea rem hanc novam in omnibus Ecclesiis Cathedralibus Angliæ perficere vellent. Refert deinde excerpta ex Epistola S. Gregorii, ubi S. Augustino præcipit, ut in Ecclesia sua Cathedrali Ministros Monachos constituat, & ex Epistola Bonifacii V. hanc Constitutionem confirmantis. Eandem Alexander Papa addita anathematis comminatione confirmat, sicque Monachis salva possessio Ecclesiarum Cathedralium in Anglia usque ad Schisma Henrici VIII. fuit.

Sæculum XI.

A. C. 1072.

XI. ep. 31.

inter. 1.

Sup. lib.

XXXVI.

c. 33.

§. LIV.

Concilium Rotomagense.

Eodem anno, quo hoc Concilium in Anglia habitum, nempe millesimo septuagesimo secundo, Joannes Archiepiscopus Rotomagensis Synodum in Ecclesia Metropolitana Dominae Nostræ Mariæ cum Suffraganeis suis Odone Bajocensi, Hugone Lexoviensi, Roberto Sagiensi, Michaele Abrincensi, & Guileberto celebravit, condiditque Canones viginti quatuor. Ex quibus adnoto se-

M 4

quen-

Sæculum XI.

A.C. 1072.

c. 1.

c. 2.

c. 5.

s. 24.

c. 7.

c. 6.

quentia. Sacra olea, & Fons Baptismalis hora competente, id est, post Nonam consecrentur. Damnatur abusus quorundam Archidiaconorum, qui Episcopo proprio carentes ab aliquo Episcopo exiguam partem olei & Chrismatis accipiebant, ac oleo non consecrato commiscebant, cum totum consecratum esse oporteat. Nullus Sacerdos baptizet infantem nisi jejunus & indutus Stola & Alba, aut nisi necessitas aliud postulet. Generale Baptisma non fiat nisi Sabbato Paschæ & Pentecostes. In Vigilia vel Die Epiphaniæ nemo, nisi ægroet, baptizetur. Parvuli quocunque tempore petierint, baptizentur. Ex isto discrimine conjicere licet, adhucdum illa ætate in Normannia multis adultis Baptismum fuisse collatum.

Confirmationis Sacramentum non nisi jejunis & a jejuno conferatur, idque absque igne non fiat. Verisimiliter ut per ignem seu lumen significetur Spiritus Sanctus. Viaticum & Aqua benedicta ultra octo dies non serventur. Nemo hostiam consecratam iterum consecret. Quod aliqui, non habentes novas hostias, faciebant. (*) S. Petrus Damiani

(*) Verba ipsius Conc. sunt: *Alii vero non*

ni quoque ad abusus referebat, Evchari-
 stiam ultra octo dies servare. Rursus
 Concilium Rotomagense: Ordines cele-
 brentur & conferantur sub noctis initium
 ante Dominicam, aut in Dominica mane
 continuato Sabbati jejunio, quo tempo-
 re tunc nihil cibi sumebatur. Clerici qui
 ordinandi sunt, in Feria quinta ad Episco-
 pum veniant. Sacerdotes, Diaconi &
 Subdiaconi, qui feminas sibi usurparunt,
 Ecclesias nec per se, nec per vicarios re-
 gant, nec quidquam de Beneficiis per-
 cipiant. Clerici publice in crimen lapsi
 nequitiam cito Ordinibus suis restituan-
 tur, sed post longam demum pœnitentiam,
 nisi extrema necessitas urgeat.
 Ut numerus Episcoporum de jure præ-
 scriptus ad deponendum Clericum im-
 pleatur, sufficiat si, qui absunt, vicarios
 miserint.

Monachi vagi, aut ob delicta e mo-
 nasteriis suis expulsi, auctoritate Episco-
 pi ad sua monasteria redire compellan-
 tur. Si eos recipere Abbates noluerint,
 victum, eleemosynæ nomine, iis dare te-
 neantur. Ipsi vero manibus laborent,
 donec morum emendatio cognoscatur.
 Idem de Sanctimonialibus statuitur.

M 5

Nu-

Canones.

*habentes hostias, consecratas iterum conse-
 erant; quod terribiliter interdictum est.*

Sæculum XI.

A.C. 1072.

Opusc. 26.

c. 3.

8.

11.

15.

19.

20.

12.

Sæculum XI. Nuptiæ nec occulte fiant, nec post prandium, sed Sponso & Sponsæ jejunis Sa-

A.C. 1072.

c. 14.

17.

21.

22.

cerdos & ipse jejunus benedicat. Nullus, cujus uxor velata fuerit, ipsa superstitite, aliam accipiat. Nullus in Quadragesima prandeat, antequam, Hora nona peracta, Vespertina incipiat, secus non servatur jejunium. In Sabbato Sancto Officium ante Nonam non inchoetur, quia ad noctem Dominicæ Resurrectionis pertinet, & in hoc biduo Sacramentum Missæ non celebratur. Hæ Constitutiones credendi locum præbent, illo ævo morem in diebus jejunii antevertendi tempus prandii atque etiam Officii Divini ortum esse.

p. 64.

Hæ conjectura inde confirmatur, quod idem Joannes Archiepiscopus in libro suo de Officiis Ecclesiasticis adnotet, in Sabbato Sancto Fideles post prandium ad Ecclesiam rediisse, & Completorium

Opusc. 10.

cantasse, cum illa die in primis Sæculis ab omni esca abstinuissent. Hoc Opus Joannes, cum adhuc esset Episcopus Abrincensis, a se compositum Maurilio, suo in Sede Rotomagensi Antecessori, inscripsit. Tractatui Petri Damiani de Ho-

Sup. 5. 44.

ris Canonicis valde simile est, sed amplius, nam de singulis Officiis per totum annum in eo agitur, pluresque antiquorum Ritus notatu digni occurrunt. Ex-

tant

tant epistolæ quinque Lanfranci ad Jo-
annem Archiepiscopum datæ; unde in-
telligimus, quanta inter ambos viguerit
animorum concordia, & quam solícite
Lanfrancus eam conservare studuerit,
non obstante nequitia quorundam tur-
bulenti ingenii hominum, qui susur-
rationibus Archiepiscopos dividere ni-
tebantur. In una illarum epistolarum
Lanfrancus dubia sua circa ea, quæ Jo-
annes de quibusdam Cæremoniis Eccle-
siasticis scripserat, exponit.

Sæculum XI.

A.C. 1072.

Ep. 13. 14.

§. LV.

Agnes Imperatrix secedit.

Eadem tempestate in vivis agebat Jo-
annes Abbas Fecamensis, cujus Scri-
pta aliqua ad nos usque pervenerunt.
Erat is natione Italus, patria Ravennas,
Guilielmi, Abbatis Divionensis, popula-
ris sui, Discipulus, quo jubente medici-
næ operam dedit, ejusque virtutum fide-
lissimus imitator extitit. Ab exigua
corporis statura Joannetinus dictus est;
ceterum carissimus Henrico Nigro Im-
peratori, qui ei Abbatiam tunc vulgo
Ehbreitstein in Saxonia contulit; nam
præter Fecamum pluribus aliis præerat.
Rogatus ab Agnete Imperatrice Henrici
Nigri vidua Joannes Fecamensis Preces

Mabill. to. I.

an. p. 167.

Sup. lib.

LVII. §. 35.

I. LIX. §. 21.

Annal. I. p.

133.

ex